

四庫全書

史部

# 欽定四庫全書

史部

欽定大清會典則例卷一百二十六

詳校官檢討臣劉 炘

編修臣程嘉謨覆勘

總校官原任中允臣王燕緒

校對官中書臣朱 炘

謄錄監生臣伍士鵬

欽定四庫全書

欽定大清會典則例卷一百二十六

工部

營繕清吏司

宮殿

一營建

宮殿順治元年

定鼎燕京上

大清門牌額○二年定正中三殿名殿前曰

太和門門之左曰昭德門右曰貞度門東廡之中  
曰協和門西廡之中曰雍和門

太和門之後曰

太和殿殿之左曰中左門右曰中右門東廡之中  
曰體仁閣西廡之中曰弘義閣體仁閣之北曰  
左翼門弘義閣之北曰右翼門

太和殿後曰

中和殿

中和殿後曰

保和殿殿之左曰後左門右曰後右門○四年建  
午門翼以兩觀中三門東西為左右掖門○八年  
建

承天門工成改為

天安門○十年建

慈寧宮○十二年重建內宮前曰

乾清門東垣之中曰景運門西垣之中曰隆宗門

乾清門之內曰

乾清宮宮後曰

交泰殿殿後曰

坤寧宮宮後曰

坤寧門

坤寧宮之東曰

景仁宮

承乾宮

鍾粹宮西曰

永壽宮

翊坤宮

儲秀宮○十四年建

奉先殿○康熙六年建

端門○八年重建

太和殿

欽定四庫全書

欽定大清會典則例  
卷一百二十六

乾清宮○是年迎

坤寧宮吻安

交泰殿金頂○十八年重建

奉先殿○二十一年建

咸安宮○二十二年建

文華殿○是年建

啓祥宮

長春宮



咸福宮○二十五年建

延禧宮

永和宮

景陽宮○二十七年建

寧壽宮○三十四年重建

太和殿○三十六年重建

東暖殿

西暖殿

承乾宮

永壽宮○乾隆元年改雍和門曰熙和門○十六

年改

咸安宮為

壽安宮

一監修

宮殿順治十二年覆準凡建造

宮殿所司先期具工程上請

勅下工部會同科道估計以防侵冒○又定修造

宮殿豎柱上梁合龍懸匾均請

旨遣大臣祭告需用花紅戶工二部支給迎吻遣官  
一人祭吻於琉璃窑並遣官四人於

正陽門

大清門

午門

太和門祭告文官四品以上武官三品以上及科

道官排班迎吻各

壇廟等工迎吻及祭經由之門均如之○是年重建

乾清宮坤寧宮交泰殿令八旗滿洲蒙古漢軍每  
佐領下出工匠一名夫四名管押各匠夫滿洲  
每旗差管工官一人驍騎校一人每叅領差領  
催一名蒙古漢軍每旗差驍騎校一人每叅領  
差領催一名由部委滿司官四人漢軍司官二  
人漢司官二人筆帖式五人○又題準增委內

務府官一人同部委司官筆帖式及內監通事  
等協同管理○又題準五城匠役各委司坊官  
一人察管其直隸山東山西解到匠役順天府  
委佐貳官一人協同本部監督官稽察○康熙  
十年題準

內廷應用匠夫物料據內務府印文照數給發其  
紫禁城

皇城內一應工程由部確估具題修理如不及十

兩由部酌定修理開明物料及需用錢糧行文  
內務府委官會部監修○十八年

諭修建宮殿工程緊要每處應差官五人監造工部官  
員不敷差遣於五部各取賢能官五人及少卿科員  
開列引見欽此○雍正九年奉

旨修理

紫禁城等工

欽點王大臣督率內務府工部官員監造○乾隆二年

修

奉先殿○五年覆準修造

宮殿及

紫禁城

皇城其工料銀百兩以上管工官將興工日期知  
會科道開工後將所用物料匠夫數目十日一  
開單移送陝西道御史不時赴工親勘工完總  
冊報部細冊移送陝西道會同工部察驗如物

料丈尺不符科道會部題叅科道亦不得徇名  
失實倘興工之日身不親到工完之後又不據  
實詳察由部會同都察院叅奏再工程銷算或  
有不能依限完結緣由照例呈明展限由部移  
會科道察覈○八年奉

旨南面皇城並長安左右門上蒿草蔓生瓦片亦有  
脫損者著委官每年拔草苫補一次其東西北三  
面皇城著五年苫補一次○十一年奏準一切工



程惟

午門以內

乾清門以外

殿宇並

紫禁城

皇城內外城垣有應修之處令各該處察勘報部  
其應急修者會同估計修理稍緩者於伏雨後  
確估覈修如工程過多一時難竣於冬季備料

春融興工工完報部題銷○十八年奏準

皇城牆垣觀瞻所繫自應修葺完固向來雖間有  
隨時苦補之處因閱年久遠西南二面尚不甚  
至剝落東北二面損裂甚多若不加修補將來  
坍塌益滋糜費應逐段勘估分別修整再永定  
左安右安等門城牆亦多齟損雖與城垣根基  
尚屬無礙但見有齟入三四進者恐漸至坍塌  
則費用益多應一并勘估隨委官詳勘

皇城四面內外拆裂者二十三百二十三丈三尺  
剝落者一千三百二十三丈七尺如按尋常修  
造其應行拆砌者已至三分之二葺補段落僅  
止三分之一約覈工料銀二十七萬六千九百  
餘兩但葺補之處終屬新舊參差未能一式堅  
整猶恐數年後又將有坍塌之虞是應全行拆  
造約估工料銀三十一萬六千餘兩請於冬令  
備料分限四五年次第興修所需錢糧陸續由

戶部支領工竣據實覈銷至永定左安右安等  
門城牆埃

皇城工竣再行奏明辦理

一工成

恩賚順治三年

太和殿告成在事滿漢官員各加職銜在工人員  
各賞朝衣皮裘鞞帽銀幣有差○十年以

慈寧宮告成照例叙賞有差○十三年以

乾清宮

坤寧宮告成在事滿漢官員各加職銜○康熙九年重修

太和殿

乾清宮告成滿漢各官分別在工久暫賞給鞍馬  
蟒段表裏匠役賞給銀布有差○三十七年重建

太和殿告成照九年例官員匠役賞給有差○雍

正十年修理

紫禁城工竣監造王大臣官員紀錄有差○乾隆

三年重修

奉先殿告成在工王大小官員加級紀錄各有差匠役

由內務府工部量加賞給

壇廟

一規制

園丘在正陽門外制圓南嚮三成上成面徑五丈九尺  
高九尺二成面徑九丈高八尺一寸三成面徑  
十有二丈高八尺一寸每成面輒用一九七五  
陽數周圍闌版及柱皆青色琉璃四出陛各九  
級白石為之內壝周九十七丈七尺五寸高八  
尺一寸厚二尺七寸五分四面皆三門楔闕皆

制以石朱扉有櫺門外各石柱二綠色琉璃燔  
柴鑪一瘞坎一外墻方二百四丈八尺五寸高  
九尺一寸厚二尺七寸門制如前高用周尺餘用今尺下同

皇穹宇在

圜丘後制圓八柱旋轉重檐上安金頂基周十有三丈  
七寸高九尺闌版高三尺六寸東西南三出陛  
各十有四級左右廡各五間一出陛皆七級殿  
廡闌檻均青色琉璃圍垣周五十六丈六尺八



寸高丈有八寸門三南嚮壇外墻門外東北為  
神庫五間南嚮

神廚五間井亭一六角閑以朱櫺均西嚮垣一重  
間一南嚮祭器庫樂器庫棧薦庫各三門西嚮  
垣一重間一南嚮宰牲亭三門南嚮井亭一六  
角閑以朱櫺西嚮垣一重門一南嚮壇內垣東  
西南皆方正北為圓形設四門東曰泰元南曰  
昭亨西曰廣利北曰成貞皆三門廣利門南角

門一昭亨門外東西石牌坊各一成貞門西大  
門一左右門各一為

車駕詣壇宿

齋宮出入之門

祈年殿

舊名大享殿乾隆十六年改今名

在

圜丘北制圓南嚮外柱十有二內柱十有二中龍井柱

四圓頂三層上覆青色中黃色下綠色琉璃上

安金頂殿基三成衛以白石闌版南北各三出

陞東西各一出陞上二成各九級三成各十級  
東西兩廡二重前各九間後各七間均覆綠琉

璃前為

祈年門

舊為大享門乾隆十六年改今名

五間亦覆綠琉璃崇基石

闌前後三出陞各十有一級門東南綠色琉璃  
燔柴鑪一瘞坎一南嚮內墻方一百九十丈七  
尺二寸東西南甑門三各三門北琉璃門三座  
後為

皇乾殿南嚮五間上覆青琉璃下衛石闌五出陛各九級東甃門外廊房七十二間聯檐通脊北為神庫五間南嚮左右

神廚各五間東西嚮井亭一六角閑以朱櫺西嚮垣一重門一東為宰牲亭五間南嚮井亭一六角閑以朱櫺西嚮垣一重門一均南嚮

齋宮在成貞門外西北東嚮正殿五間崇基石闌三出陛正面十有三級左右各十有五級陛前

設齋戒銅人石亭一時辰牌石亭一後殿五間  
左右配殿各三間內宮牆方一百二十三丈九  
尺九寸中三門左右各一門宮門前跨三石梁  
左右各一梁鐘樓一座迴廊一百六十三間外  
宮牆方一百九十八丈二尺二寸宮門石梁均  
與內圍同

祈年殿內垣南接

園丘東西環轉至北為圓形東西北壇門各三間西門

南角門一壇內垣共周千二百八十六丈一尺  
五寸高丈一尺趾厚九尺頂厚七尺壇門七座  
每座三間

神樂署

舊名神樂觀乾隆二十年改今名

東嚮正中凝禧殿五

間

舊名太和殿康熙十二年改今名

崇基三出陛各六級左右

步廊各二間後顯佑殿七間左右各三間殿後

袍服庫二十三間典禮署奉祀堂南北各三間

左右門各三間左門東通贊房恪恭堂各三間

正倫堂候公堂各五間南轉穆僉所三間右門  
東掌樂房協律堂各三間教師房伶倫堂各五  
間北轉昭僉所三間前後均聯檐通脊正門三  
間三出陞各四級圍牆東西四十四丈四尺南  
北二十丈七尺二寸

犧牲所南嚮大門三間內花門一座正房十有  
一間中三間奉

犧牲之神左右牧夫房各二間牛房各二間後

屋十有六間內滿漢所牧房各三間所軍房一間貯草房五間草夫房四間東邊兩重四十八間內貯料房二間貯草房三間牛房十有五間羊房五間鹿房二十間兔房三間西邊一重十有五間內庫房一間泡料房磨房各二間豕房五間牛房五間鹿檻牛枋均分列屋之左右西北隅官廳三間東嚮井一北門一間圍牆東西五十二丈南北五十二丈五尺壇外垣前方後



圓周千九百八十七丈五尺高一丈一尺五寸  
趾厚八尺頂厚六尺西嚮門一三門角門一

方澤在安定門外制方澤周四十九丈四尺四寸深八  
尺六寸濶六尺祭日貯水水深以過龍口為度  
澤中方壇北嚮二成上成方六丈高六尺二成  
方十丈六尺高六尺二成壇面均用黃色琉璃  
合六八陰數外環砌白石每成四出陞各八級  
二成南左右設五嶽五鎮五山北左右設四海

四瀆各石座分刻山形水形均東西嚮水形座  
周圍鑿池貯水以祭內壝方二十七丈二尺高  
六尺厚二尺壝正北三門石柱六東西南各一  
門石柱二楔闕皆制以石朱扉有櫺壝北門外  
西北隅瘞坎一東西門外南北瘞坎各二外壝  
方四十二丈高八尺厚二尺四寸門制如前

皇祇室在

方澤後五間北嚮脊瓦均綠色琉璃圍垣正方周四十

四丈八尺高丈一尺正門一間

神庫樂器庫各五間均北嚮

神廚祭器庫各五間東西嚮井亭一東嚮四面開  
以朱櫺垣一重門一北嚮宰牲亭三間北嚮井  
亭一東嚮四面開以朱櫺垣一重門一北嚮西  
北為

齋宮東嚮正殿七門崇基石闌五出陞中九級左  
右各七級南北一出陞各七級左右配殿各七

間侍直房南北各七間宮牆周百有十丈二尺  
正門一左右門各一均東嚮西北鐘樓一祠祭  
署三間在內垣西門外東嚮左右各三間垣一  
重門一壇內垣周五百四十九丈四尺北門三  
間東西南門各一間東西角門各二間壇外垣  
周七百六十五丈西壇門三間西北角門一自  
壇外垣西門南北夾牆各七十一丈二尺直西  
為廣厚街

舊名泰折雍正二年改今名

牌坊坊前界以朱柵

長二十六丈

太廟在

闕左南嚮圍垣一重琉璃甃門三間左右門各一  
戟門五間崇基石闌中三間前後均三出陞中九  
級左右七級門內外列戟百有二十左右門各  
三間前後均一出陞各五級

前殿十有一間重檐階三成繞以石闌五出陞一成  
均四級二成均五級三成中十有一級左右九

級東西廡各十有五間階均八級燎鑪二

中殿九間

後殿九間兩廡各十間

後殿東廡南燎鑪一

戟門外石橋五橋北井亭二六角閑以朱櫺橋南

神庫五間西嚮

神廚五間東嚮

廟門外之西南奉祠署三間東嚮左右房各三間垣

一重門一北嚮東南宰牲亭三間前治牲房五間均西嚮垣一重門一西嚮井亭一六角閑以朱櫺西南為

太廟街門五間西北為

太廟右門三間均西嚮

社稷壇在

闕右北嚮壇制方二成高四尺上成方五丈二成方五丈三尺四出陛皆白石各四級上成築五

色土中黃東青南赤西白北黑土由涿霸二州  
房山東安二縣豫辦解部同太常寺驗用內壝  
四面各一門楔闕皆制以石朱扉有櫺門外各  
石柱二壝色亦各如其方壝北門內西北瘞坎  
二北為

拜殿又北為戟門各五間戟門內列戟七十有二  
均覆黃琉璃崇基三出陞壝外西南

神庫五間



神廚五間井一均東嚮壇垣周百五十三丈四尺  
內外丹雘覆黃琉璃北門三間東西南門各一  
間循環垣東北隅東嚮正門一左右門各一相對  
闕右門為

乘輿躬祭出入之門壇西門外宰牲亭三間東嚮井  
一垣一重門一北嚮西南奉祀署東西各三間  
垣一重門一東嚮東遣官房一間南嚮東南為  
社稷街門五間東北為

社稷左門三間均東嚮

日壇在朝陽門外制方西嚮一成方五丈高五尺九寸壇面用紅色琉璃四出陞皆白石各九級圓壇周七十六丈五尺高八尺一寸厚二尺三寸壇正西三門石柱六東南北各一門石柱二楔闕皆制以石朱扉有櫺燎鑪一西南瘞坎一壇北門外東

神庫三間西嚮

神廚三間井亭一四面閑以朱櫺均南嚮垣一重  
門一西嚮宰牲亭三間垣一重門一西嚮北祭  
器庫樂器庫梭薦庫各三間聯檐通脊均南嚮  
具服殿正殿三間左右配殿各三間周衛宮牆宮  
門三間南嚮西北鐘樓一座祠祭署三間東嚮  
左右各三間壇西門北門各三間北門西角門  
一壇垣前方後圓周二百九十丈五尺外圍牆  
西自坊西抵壇垣西南角長三百八十二丈四

尺東自坊東抵壇垣東北角長三百十有二丈

四尺直北為景升街

舊名禮神雍正二年改今名

牌坊坊前

界以朱柵長十有五丈

月壇在阜成門外制方東嚮一成方四丈高四尺六

寸面用白色琉璃四出陞皆白石各六級方壇

周九十四丈七尺高八尺厚二尺二寸八分壇

正東三門石柱六西南北各一門石柱二楔闕

皆制以石朱扉有櫺燄鑪二東北瘞坎一壇南

門外西

神庫三間東嚮

神廚三間井亭一四面閑以朱櫺均北嚮垣一重  
門一東嚮宰牲亭三間垣一重門一東嚮南祭  
器庫樂器庫各三間聯檐通脊均北嚮

具服殿正殿三間左右配殿各三間周衛宮牆宮  
門三間南嚮祠祭署三間北嚮左右各三門東  
北鐘樓一座壇東門北門各三間北門東角門

一壇垣方二百三十五丈九尺五寸外圍牆東  
自坊東抵壇垣東南角長二百六十丈西自坊  
西抵壇垣西北角長二百四十丈四尺直北為  
光恆街舊名禮神雍正二年改今名牌坊前界以朱柵長  
十有二丈八尺

帝王廟在阜成門內南嚮

廟門三間左右門各一前石梁三

景德門五間崇基石闌前後三出陞中十有一級

左右各九級左右門各一

景德崇聖殿九間重檐崇基石闌南三出陞中十有三級左右各十有一級東西一出陞各十有二級東西廡各七間一出陞均八級廡前燎鑪各一殿後祭器庫五間南嚮殿西南碑亭一景德門外東

神庫三間南嚮

神廚三間宰牲亭三間均西嚮井亭一四面開以

朱櫺北嚮垣一重門一西嚮西遣官房五間齋宿房前後各五間廟門內東南鐘樓一座圍垣周一百八十六丈三尺八寸廟門外東西下馬牌各一景德街牌坊各一

先師廟在安定門內太學之左南嚮街門三間西為持敬門一間西嚮

大成門五間崇基石闌中三門前後三出陞門內列戟二十有四石鼓十右石鼓音訓碣一左右



門各一東西列舍各十有一間北嚮

大成殿七間重檐崇基石闌三出陞正面十有二級東西各十有七級東西廡各十有九間東西列舍各十有一間南嚮西南燎鑪一西北瘞坎一殿後圍垣一重門一西嚮

崇聖祠門三間南嚮

崇聖殿五間東西廡各三間東南燎鑪一戟門外東

神廚五間宰牲亭三間井亭一西嚮西

神庫五間致齋所三間更衣亭一間東嚮街門外  
列木為柵塗以丹東西成賢街牌坊各一下馬  
牌各一

先農壇在

正陽門外西南制方南嚮一成周四丈七尺高四  
尺五寸四出陛各八級東南瘞坎一壇北

神庫五間南嚮

神廚五間西嚮樂器庫五間東嚮左右井亭各一  
六角開以朱櫺垣一重門一南嚮宰牲亭三間  
川井一均南嚮壇東南為

觀耕臺方廣五丈高五尺東南西三出陛各七級以

木為之耕藉時由部安設

今改甃  
甃石

臺前為

藉田一畝三分後為

具服殿五間南嚮殿臺三出陛南九級東西各七  
級儀門一間東北為

神倉中圓廩一座收穀亭一座左右倉前後各三間垣一重門三間南嚮

旗纛殿五間南嚮後為祭器庫五間左右廡各五

間垣一重門三間南嚮北門外東北隅旗竿一

今徹去

太歲殿在

先農壇之東北南嚮七間三出陛各六級東西廡各十有一間一出陛均四級前為拜殿七間拜殿

東南燎鑪一壇內垣門四各三間

神祇壇在

先農壇內垣南門外

神祇壇門三間南嚮繚以周垣東為

天神壇制方南嚮一成方五丈高四尺五寸五分四

出陛各九級壇北刻雲形青白石龕四座各高

九尺二寸五分方壝周二十四丈高五尺五寸

壝正南三門石柱六東西北各一門石柱二楔

闕皆制以石朱扉有櫺東南燎鑪一西為

地祇壇制方北嚮一成廣十丈縱六丈高四尺四出

陛各六級壇南設青白石龕五刻山形者三均

分五門刻水形者二均分四門各高八尺二寸

壇東從位石龕刻山水形各一西如之各高七

尺六寸凡水形龕均周圍鑿池貯水以祭方壝

周二十四丈高五尺五寸壝正北三門石柱六

東西南各一門石柱二楔闕皆制以石朱扉有

櫺西北墜坎一

先農壇內垣東門外北為

慶成宮

乾隆二十年定

五間南嚮崇基石闌三出陞各九

級後殿五間東西配殿各三間尚茶尚膳房各五間

正殿前時辰牌亭一殿西輦房五間內宮門三間南嚮東西掖門各一外繚以宮牆正門三間左右門各一宮門東南鐘樓一座垣後祠祭署前

後各五間南嚮左右各三間垣一重門一南嚮  
壇外垣周千三百六十八丈東嚮門二南北並  
列南入

先農壇北入

太歲殿皆三門角門一

靈明顯佑宮在地安門外日中坊橋之東北南嚮  
廟甌門三間門內東西鐘鼓樓各一顯佑門三  
間



正殿五間崇基石闌三出陞中九級東西各七級  
東西廡各五間碑亭各一東南燎鑪一後殿五  
間廟門外元威聖烈牌坊一

火神廟在地安門外日中坊橋之西南嚮廟門一  
間左右門各一壽國僊林牌坊門三間均東嚮  
南北鐘鼓樓各一

正殿三間南嚮西配殿三間南殿三間左右各三  
間東西廡各一間燎鑪一殿後閣五間東西配

殿各三間閣後羣樓十有五間廟門外離德昭  
明牌坊一

都城隍廟在宣武門內瞻雲坊之西南嚮廟門順  
德門闡威門三重均三間左右門各一順德門  
外東西鐘鼓樓各一中為甬道殿東碑亭一西  
燎鑪一

正殿五間東西廡各三間迴廊各二十二間  
後殿五間闡威門外東治牲所三間井亭一西嚮

大門外列木為柵塗以丹城隍廟牌坊一

東嶽廟在朝陽門外南嚮廟門三間前石梁三左  
右鐵獅二門內東西鐘鼓樓各一進為光聯日

觀牌坊門三間左右門各一後為瞻岱門五間  
左右門各一中為甬道東西

御碑亭各一燎鑪各一

正殿七間兩廡各三間東西迴廊各三十六間

後殿五間兩廡各三間殿東西迴廊各三間後閣

卷一百一十五  
羣樓三十三間廟門南秩祀岱宗琉璃牌坊一  
東弘仁錫福牌坊一西靈嶽崇祠牌坊一

龍神廟在黑龍潭山頂偏北去西直門三十餘里

東嚮山門二重碑亭二牌坊一殿門一間左右  
御書碑亭各一

正殿三間燎鑪一東北為龍潭潭西殿三間繞潭  
迴廊三十三間南祝版房三間外治牲所齋室  
各三間垣一重門一均東嚮循山繚以圍垣

先醫廟在太醫院署內之左圍垣一重廟門一間  
咸濟門三間左右更衣室各三間

景惠殿三間南嚮左右步廊六間東西廡各五間  
廟門東西南均列柵塗丹南燎鑪一

關帝廟在地安門外南嚮廟門一間前石梁一左  
右門各一正門三間

前殿三間殿臺中為甬路左右各一出陞均五級  
東西廡各三間東廡南燎鑪一廡北齋室三間

西嚮後殿五間東西廡及燎鑪與前殿同殿後東為祭器庫西為治牲所各三間

廟門外列木為柵塗以丹○康熙十一年建武壯王祠於廣寧門外圍垣一重大門三間正屋三間兩廡各三間均覆黑琉璃前立石碑一門外列柵塗丹○十二年

諭神樂觀大殿所懸牌匾繫太和殿三字著改為凝禧殿欽此○十九年建恪僖公祠於安定門外制與武

壯王祠同○二十五年

御製

至聖先師孔子贊勒石於國學

大成殿甬道之東由部動支正項委官料估監造  
工竣察覈報銷○二十八年

御製顏曾思孟贊勒石於國學

大成殿甬道之西○四十三年以平定朔漠勒石  
於國學

大成殿甬道之西○雍正二年奉

旨

方澤壇外牌坊舊名泰折街著改為廣厚街

日壇外牌坊舊名禮神街著改為景升街

月壇外牌坊舊名禮神街著改為光恆街○又奏準

日壇西南

月壇東北二面地方均屬空濶應各建照牆三座○

是年



駕詣國學致祭

至聖先師

御製詩文奉

旨勒石於國學

大成殿甬道之西○是年建

昭忠祠於崇文門內就日坊之西南嚮圍垣一

重大門五間中三門三階前石獅二左右門各

一二門三間左右碑亭各一正殿七間七龕東

西角門各一左右序各七間七龕東西樓各五  
間五龕樓南東西廡各三間三龕殿前為露臺  
三面設階中為甬道東燎鑪一西嚮殿後正屋  
五間五龕東西屋各三間三龕正屋之左右五  
間五龕東西屋之左右三間三龕均南嚮東南  
燎鑪一二門外橋東門一內齋戒亭一齋室三  
間南嚮東祭器庫三間西嚮東北宰牲房三間  
西嚮西北治牲所五間井亭一均南嚮東西門

各一門南遣官房七間左右官廳各五間○又建勤襄公祠於朝陽門外文襄公祠於德勝門外制皆如武壯王祠○三年以平定青海勒石於國學

大成殿甬道之東由部監造題銷○五年議準

京師為首善之地八旗忠孝節義應入祠者不少應分別位次以彰典禮察王府大街官房一所二十三間為左翼忠孝祠理藩院署後官房一

所二十二間為左翼節孝祠武定侯衙官房  
一所二十五間為右翼忠孝祠按院衙官房  
一所二十三間為右翼節孝祠皆於二門外立  
石碑一大門外建牌坊一祠內正屋旁屋每間  
各設一龕○七年議準

帝王廟

關帝廟

都城隍廟均經修建請

御製碑文各立豐碑一〇八年建

賢良祠於地安門外之西南嚮大門三間二門  
三間左右門各一正殿三間東西廡各三間燎  
鑪一後正屋五間兩廡及燎鑪如前制左右門  
各一內東治牲房三間西宰牲房三間均南嚮  
二門外左右

御碑亭各一大門以外列木為柵塗以丹〇十三年議  
準

京師於北郊擇地建

先蠶祠每歲以季春巳日遣官承祭○乾隆二年

諭

至聖先師孔子天縱聖神師表萬世尊崇之典至我  
朝而極盛

皇考世宗憲皇帝尊師重道禮敬尤隆闕里

聖廟

特命易以黃瓦鴻儀炳煥超越前模朕祇紹先猷羹牆

念切思國子監為首善觀瞻之地辟廱規制宜加  
崇飾

大成殿大成門著用黃瓦

崇聖祠著用綠瓦以昭展敬至意欽此遵

旨議準太學

大成門前之街門外照牆均改用黃瓦

崇聖祠前之中門均改為綠瓦其工程事宜照例  
交與太常寺衙門委官料估監修工竣報部覈

銷○是年建宏毅公祠於安定門外制如恪僖  
公祠○三年奏準

先師廟大成殿大成門更用黃瓦

崇聖祠更用綠瓦應建立石碑於

大成殿甬道之東交太常寺料估監造工竣報部  
覈銷○七年

諭

日壇具服殿舊制建於壇南臨祭時必經過神路始



至殿所似於誠敬之儀未協著將具服殿移建壇之西北隅其西北隅見有奉祀衙署即移於具服殿地基蓋造欽此○又議準古制天子親耕南郊以供粢盛后親蠶北郊以供祭服親蠶之禮原與親耕並重是以前代舉行具載史冊明嘉靖九年作先蠶壇於北郊在安定門外以出入道遠親涖未便且其地水源不通無浴蠶所遺址久廢考唐宋后妃親蠶多在宮苑之中明代亦

改建於西苑伏讀

聖祖仁皇帝御製耕織圖序於豐澤園北治田數畦環以溪水隴畔樹桑旁列蠶舍育蠶之事已詳悉繪圖今相度蠶地建立蠶壇桑田蠶宮從室之處內務府會同工部等衙門辦理○八年奉

旨

天壇燎鑪五座樣式不齊著交太常寺畫一辦理○又奉

旨神樂觀改為神樂所○九年建

先蠶壇於西苑之東北隅制方南嚮一成方四丈高四尺四出陛各十級西北瘞坎一東南

先蠶神殿三間西嚮左右宰牲亭井亭各一

神庫三間

神廚三間東為採桑臺方廣三丈二尺高四尺東

西南三出陛各十級東北正殿五間

為具服殿  
為蠶館

殿基三出陛各五級東西配殿各三間後殿五

間

為織室

東西配殿各三間迴廊二十間衛以宮

牆南門一間東西門各一間浴蠶河在宮牆東

自外圍北牆流入由南牆出各設水關啟閉直

宮牆東門木橋一又迤南木橋一橋東蠶室二

十七間西嚮外圍垣周一百六十丈西南隅正

門三間左右門各一西北隅角門一圍垣南陪

祀公主福晉室五間命婦室五間外垣一重門

一西嚮○十四年

諭稽古明禋肇祀

郊壇各以其色

地壇方色尚黃今

皇祇室乃用綠瓦蓋仍前明舊制未及致詳

兩郊大饗殿在勝國時合祀

天

地山川故其上覆以青陽玉葉次黃次綠具有深意且  
南郊用青而

地壇用綠於義無取其議更之欽此遵

旨議準制禮從類辨色從方原屬不易之道況棟宇

棖桷乃以藏

神祇而昭妥侑其義尤謹明代南北兩郊分祀而

皇祇室編次綠瓦詳考禮經並無證據按綠乃青黃間

色誠如

聖諭於義無取坤卦天玄地黃考工記天謂之玄地

謂之黃二者實乾坤正色今

北郊壇甃墼瓦及牲幣帷幄色皆用黃乾隆十三年遵  
旨議定遵豆成式

地壇祭器色亦用黃契合古制寧神與歆神不當有異  
皇祇室舊用綠瓦應遵

旨易蓋黃琉璃瓦○又

諭

園丘壇上張幄次及陳祭品處過窄可將

園丘三層壇面仍九五之數量加展寬則執事者得以

從容進退益昭誠敬欽此遵

旨議準展寬壇面請依

聖祖仁皇帝御制律呂正義所載古尺上成徑九丈取  
九數二成徑十有五丈取五數三成徑二十一  
丈取三七之數上成為一九二成為三五三成  
為三七以全一三五七九天數且合九丈十五  
丈二十一丈共成四十五丈以符九五之義至  
壇面甄數原制上成九重二成七重三成五重上成面



甄取陽數之極自一九起遞至環砌以至九九  
二成三成圍甄不拘未免參差今

壇面既加展寬二成三成亦應用九重遞加環砌二成  
自九十至百六十二三成自百七十一至二百  
四十三四周闌版原制上成每面用九二成每  
面十有七取除十用七之義三成每面積五用  
二十五雖各成均屬陽數而合計三成數目並  
無取義今

壇面展寬請三成闌版共用三百六十應周天度數上  
成每面十有八四面計七十二各長二尺三寸  
有奇二成每面二十七四面計百有八各長二  
尺六寸有奇三成每面四十五四面計百八十  
各長二尺二寸有奇每成每面亦皆與九數相  
合總計三百六十取義尤明再三成徑數均繫  
古尺而所定中心圓面周圍壓面及九重之長  
則皆繫今尺至三成臺高見今上成高五尺七

寸二成高五尺二寸三成高五尺並闌柱長濶  
高厚階級濶深亦繫今尺再

壇面甃砌及闌版闌柱舊皆青色琉璃今改用艾葉青  
石樸素渾堅堪垂永久飭令管工官於直隸房  
山縣開採選用○又奏準

地壇神庫宰牲亭之右有井無亭應照左旁增設井亭  
一○是年以平定金川勒石於國學

大成殿甬道之西如雍正三年例○又建恪僖公

祠於東安門內制與武壯王祠同○十五年奏  
準

皇穹宇舊制臺面前檐環砌青白石周圍接墁天青色  
琉璃甃一路每甃長二尺濶一尺二寸五分今  
園丘業經議改青石此處似宜一例改用青白石鋪墁  
再

祈穀壇

大享殿外三層壇面從前屢經修補甃色不一請改用

金甌漫砌○又奏準

方澤壇二成壇面甌舊用黃琉璃惟中含六六陰數其  
外悉繫小甌湊合並無成法今遵

旨照依

園丘壇改甌石塊仍就壇面鑿成棹眼安設幄次請將  
石塊數目上成正中仍照原制六六三十六外  
八方均以八八積成縱橫各二十四路二成倍  
上成八方八八之數半徑各八路以符地偶之

義至

方澤壇正位幄次舊制進深一丈六尺五寸面濶一丈  
二尺配位幄次舊制進深一丈五尺面濶一丈  
一尺較之

天壇幄次過大而

方澤壇正位牲匣設於幄內配位牲匣又繫半在幄內  
半在幄外體制未免參差執事官員趨蹌未便  
請將正幄配幄面濶尺寸照舊無庸酌減其進

深尺寸均改為一丈二尺照

園丘之制均於幄次之中安設牲匣以昭畫一再

皇祇室正殿覆瓦已奉

旨改用黃琉璃其門樓園垣亦應請改黃色琉璃以  
昭畫一○又奏準

天壇

皇穹宇

祈穀壇

欽定四庫全書

欽定大清會典事例

四十二

皇乾殿門樓圍垣亦皆綠色並請改為青琉璃以符體制至

皇穹宇扇面牆上身抹飾青灰今請改天青色琉璃甃成砌○又奏準

兩郊大祀陪祀官行禮處嵌設品級拜石百官屆時按班就次行禮○十六年建

雙忠祠於崇文門內就日坊之東北南嚮大門三間左右門各一二門一間正屋三間東西廡



各三間燎鑪一二門外正中碑亭一燎以朱垣

○是年奏準

祈穀壇牌匾舊書

大享二字殿與門同名義未協蓋緣前明初建大祀殿  
合祀天地至嘉靖九年定南北郊二至分祀罷  
大祀殿不用十七年議舉明堂秋饗遂改大祀  
為大享殿

國朝即於其地舉行

祈穀之禮舊有題額襲用未改考大亨之名與孟春祈穀異義應請別薦嘉名奉

旨改為

祈年殿○十七年奏準

祈年殿舊制三覆檐成造上層青瓦中層黃瓦下層綠瓦考明初合祀天神地祇前代帝王是以瓦片分用三色嗣舉季秋饗帝之禮易為大亨殿瓦色仍用初制

國朝改為祈穀於

上帝之所瓦片仍用三色今改為

祈年殿所有殿及大門兩廡均請改用青色琉璃再

圜丘壇內外壇垣舊制皆覆綠瓦應均換青色琉璃其

東西南北壇門四座以及

祈穀壇門三座及隨門圍垣離壇稍遠仍照舊制蓋覆

綠瓦○又奉

旨

園丘壇青白石仰覆蓮座安螭頭成造

皇穹宇單檐式成造地面用青石鋪墁牆身檻牆用臨

清城甃金柱準照轉枝蓮油飾○十八年

諭

先農壇外墻隙地老圃於彼灌園殊為褻瀆應多植

松柏榆槐俾成陰鬱翠以昭虔妥

靈著該部會同該衙門繪圖具奏欽此○又奉

旨

先農壇舊有旗纛殿可撤去將神倉移建於此○又

奉

旨

先農壇牆外隙地前經降旨令栽種樹木今

天壇工竣其北面隙地亦應一例栽種交與工部妥協

辦理○十九年奉

旨觀耕臺著改用甃石製造隨遵

旨議準臺座用琉璃仰覆蓮式成造前左右三出陛

砌青白石闌版用白石臺面鋪墁金甃○二十年以平定準噶爾勒石於國學

大成殿甬道之西○又奏準

日壇應行興修詳細確估計

日壇一座內墻門六神庫神廚各一井亭一祭器庫  
宰牲亭各一鐘樓一西北壇門各一牌坊一地  
面海墁散水甬路月臺燎鑪各垣牆等項均應  
照舊制修理完整至內垣原繫土牆應照

天壇之式用甃兩面環砌以資鞏固外垣原高七尺六寸今應增高三尺並增砌大甬路二道○二十一年奏準

社稷壇年久應行重飾見新並於南門外左右增蓋看守房各三間街門內左右增蓋看守房各三間瘞坎舊在壇壝之內今移建於壇壝外西北隅○又奏準

社稷壇四面壝垣向以五色土隨方墜色請改為四

色琉璃甃瓦成砌○又奏準

月壇應行興修詳細確估計

月壇一座內壝門六座坎一神庫神廚各一井亭一  
祭器庫宰牲亭各一鐘樓一東北壇門各一牌  
坊一均照舊修理壝垣地面海墁散水甬路月  
臺燎鑪亦應拆砌完整至內垣亦應兩面砌甃  
二進外垣增高三尺增砌大甬路四道

一修葺



壇廟順治十四年發帑金三萬兩修理

京師

先師廟○十五年覆準各

壇廟每屆祭祀太常寺先期移文工部酌量修理○康熙二十三年重修黑龍潭

龍神廟宇

御製碑文勒石○二十九年議準順天府學

先師廟遇有傾圮之處著該府承動用大宛二縣庫

貯正項修葺工完報部題銷○雍正元年

諭

園丘

方澤日月社稷先農各壇及

太廟前代帝王廟真武廟等處著差給事中御史共九人部院賢能司官工部司官共九人敬謹堅固修理仍令大臣九人分工監修再各

壇廟工程從前修過者甚多並未年久即至傾圮皆浮

冒錢糧之所致一并嚴加確察欽此○三年議準

天壇舊有望銓臺三座銓杆三根因年久杆木朽爛應

行修建又

方澤壇東北望銓臺一座亦應一并修建其銓杆四根  
每根長九丈大徑二尺七寸小徑一尺二寸朱  
紅油飾祭時懸銓○又奏準

月壇外牌坊兩邊牆垣雖傾頽已久基址猶存交部  
照舊修整○五年奉

旨修理

先農壇牆垣嗣後著動正項○又

諭各處修理

壇廟從前皆交與工部修理嗣後不必交與工部如有  
應行修理處或令太常寺會同工部官估計交與太  
常寺修理或即交與太常寺估計具題修理其動用  
何處錢糧並用過錢糧應於何處奏銷著大學士會  
同太常寺議奏欽此遵

旨議準

壇廟地方繫太常寺經管嗣後應大修者由太常寺會同工部估計具題交太常寺委官修理該管官不時稽察倘工程不堅冒銷錢糧即指名題叅如有徇隱經科道察出將堂官一并議處其應用錢糧均由部支取工竣即繕黃冊具題至每歲祭祀前期小修交太常寺詳計一年需用錢糧若干先期題請由戶部給發年終亦繕黃冊

具題○又奏準

月壇牌坊兩邊牆垣已於雍正二年遵

旨修理

日壇牌坊兩邊牆垣亦應照

月壇增造仍會部詳估具奏興工○乾隆五年奏準

凡

壇廟臨祭時糊飾及歲修工程銀千兩以下者仍由太

常寺照例修理年終彙銷若干兩以上者太常

寺將應修理之處奏請交部估計奏

聞由部委官會同太常寺委官公同修理該堂官仍不時察看如工程草率錢糧不清即指名題叅交部議處再太常寺工程不拘大小均令該堂官一人督率該寺匠頭亦由部於見在工役內選老成諳練一人承役如有違慢侵欺各弊交部治罪換役○七年

諭朕惟

郊壇祭祀必致誠敬以薦明禋歷來前期齋戒悉遵舊制住宿別殿今

郊壇建有齋宮年久傾圯未經繕修其應如何修建之處爾等即前往敬謹相視繪圖呈覽至興修之時著委內務府熟悉工程之官會同工部太常寺委官一同監修所需錢糧由工部行文戶部支取欽此○又奉

旨



日

月壇舊有之具服殿爾等亦前往相視應如何修理  
詳議具奏○八年遵

旨修理完竣

天壇齋宮新建正殿五間左右配殿六間內宮門一座  
迴廊六間修理券殿一座方亭一座宮門六座  
石橋十座鐘樓一座外圍廊房一百六十三間  
拆墁月臺修理河道牆垣

地壇齋宮改建正殿七間修理左右配殿十有四間宮門一座增建內宮門三間守衛房十有二間日壇移建具服殿三間左右配殿六間宮門一座拆移衙署十有三間

月壇修理具服殿三間左右配殿六間宮門一座鐘樓一座並各處拆建守衛房成砌牆垣鋪墁地面甬路○九年奏準凡

壇廟工程千兩以上者仍照舊例具奏交部會同太常

寺修理未及千兩以上之土工木作均咨部委  
官會同監修仍將工程丈尺造冊咨部覈實奏  
銷其糊飾及歲修祭品各工照例由太常寺委  
官修理報部覈銷○十年奏準

天壇等處齋宮遇有應行修理之處由太常寺移咨內  
務府辦理○又奏準

先農壇內外牆垣坍塌損壞處甚多請將應行修理  
之處交部會同太常寺計費興修○十二年奏

準

天壇內垣長一千二百八十六丈一尺五寸高丈一尺  
趾厚九尺頂厚七尺外垣長一千九百八十七  
丈五尺高丈一尺五寸趾厚八尺頂厚六尺四  
圍牆頂牆身皆年久損壞完固整齊者甚少應  
將牆頂坍塌椽題望版朽爛者更新牆身破裂  
者用甎包砌其微覺完整者量加插補勾抵但  
如此修理未能周遍間有剝落損壞仍須隨時

苦補且損壞之處包砌城甃見在完整處依舊  
土牆觀瞻不一應請一律拆修外垣兩掖出檐  
各四尺四寸酌收一尺二寸牆身內外均鏟去  
浮土上包城甃二進下包城甃三進舊有泊岸  
坍塌處用灰土築打內垣裏外出廊外濶六尺  
八寸舊有檐柱因出檐較濶不能負重以致頭  
頂沉垂雨水淋濕檐柱朽爛酌將裏外檐均改  
進四尺八寸不用檐柱牆身內外鏟去浮土上

包城甃二進下包城甃三進共需物料工價銀  
十萬兩有奇○又奏準

天壇內外垣至泰元門之東見有廢垣一座僅存甃石  
詢知為崇雩壇乃前明嘉靖年間建置歲旱則  
祀

上帝以禱雨壇成未經行禮而罷

國朝祈雨既祀於

圜丘又於每歲孟夏龍見行常雩禮大祀

天於

圓丘是崇雩壇洵屬無用請交部拆卸亦可為見今修理內外圍垣之用○十四年

諭

兩郊壇宇雖歲加塗墍而經閱久遠應勅所司省視所當修整者敬謹從事欽此遵

旨詳勘

圓丘壇天青色琉璃闌版門柱甃塊

方澤壇黃色琉璃瓦料均有脫釉門柱椽題望版門有  
應換金碧采章殘舊不鮮階級甃甃間有損闕  
聖赤亦多漫漶月臺甬路海墁泊岸水溝等處  
甃瓦酥齷均應依式修整請交部委官逐款詳  
細估計覈定錢糧數目奏

聞及時備辦物料會同太常寺依次敬謹興修○十  
五年

諭



大享殿前兩廡繫前後兩重乃前明時禘祭所建今禘祭之禮既不舉行而前後兩廡又屬參差竝興修時將後一層拆去再

兩郊壇宇工程所用物料皆令各省辦解所需銅亦應著雲南省辦解即酌定數目奏聞行令該省辦解應用欽此○十六年

諭京師玉泉靈源濬發為德水之樞紐畿甸衆流環匯皆從此滌注朕品歷名泉實為天下第一其澤

流潤廣惠濟者博而遠矣泉上有龍神祠已命所  
司鳩工崇飾宜列之祀典其品式一視黑龍潭該  
部具儀以聞欽此遵

旨議準維茲玉河欽蒙

諭旨業經飭令所司就泉上舊有

龍神祠鳩工崇飾聿新廟貌妥侑

神靈並請

勅賜鴻文勒石祠左用以昭紀

神功○十七年奏準

地壇工程業已告竣各處殿宇牆垣皆新建整齊惟從  
前舊有洩水溝渠年久湮塞無存一經雨水無  
從宣洩積潦難消請交欽天監官詳加相度於  
外垣之內四面開土溝一道使內外諸處雨水  
各順地勢流入溝內統於東南外垣下洩出歸  
入護城河中庶免雨水積聚之患計溝長七百  
四十八丈又各處甬路下增掘過水小溝地面

起高平墊出水總匯處成砌券門嗣後交與太常寺於每年未雨之先飭令壇官董率壇戶先期疏濬毋使壅積淤塞○十八年

諭朕每歲親耕藉田而

先農壇年久未加崇飾不足稱祇肅明禋之意今

兩郊大工告竣應將

先農壇修繕鼎新即令原督工大臣敬謹將事欽此

○十九年奏準犧牲所房宇經年久遠間有傾

圮滲漏交與修理

兩壇工程處覈估修理○又奉

旨

天壇西面外垣之南相對

先農門處增建門一座垣內增建鐘樓一座門外甬路一律成造嗣後遇祭

天壇即進新建之南門祭

祈年殿仍進北門○二十年奉

旨神樂所改為神樂署

一

壇廟禁令順治十四年覆準

天壇牆垣外壅積沙土由部委官修治完日交兵部令該營兵丁同守門軍役每年春秋二季平治○

康熙五年議準各

壇廟遇有損壞該管官即行具報如遲延不報以致盜失輒石木植等物將該管官題叅議處○又題

準各

壇廟十有五步之內不許埋葬開溝栽種其附近墳塋  
令該城御史察勘有力者自行遷葬無力者報  
部酌量給銀遷葬○二十四年奏準犧牲所牧  
管理畜牧準於

天壇附近處給房居住○三十三年遵

旨議準

天壇風沙淤壅之處於大路旁栽種柳樹禦風所栽之

樹交巡捕三營看守

一直省

壇廟康熙二十三年

詔直隸各省修理

文廟銀照舊存畱以供修葺其

五嶽五鎮四海四瀆廟宇傾頽者令該地方官修理

以昭誠敬○二十八年奉

旨泰山祠宇舊有儲備修葺工銀嗣後著每歲分給



東嶽廟

岱頂祠各二百兩令守祠廟祝時加修葺仍令山東  
巡撫稽察毋使有司剋扣虛冒○二十九年奉

旨修理闕里

聖廟所有物料工價不必動支戶部庫銀著照數發  
內庫銀採辦其物料著回空糧船載運○三十四年  
諭凡

五嶽五鎮四海四瀆神廟有傾頽者該地方官估計

價直具奏修葺欽此○四十二年

詔修

嶽鎮海瀆廟宇如前

諭○四十六年重修醫巫閭山

北鎮廟

御製碑文勒石○四十七年重修衡山

南嶽廟

御書匾額並勒碑文○雍正元年重修醫巫閭山

北鎮廟○二年重建闕里

先師大成殿令山東巡撫動用藩庫銀庀材鳩工擇  
日興修務期規制復舊廟貌重新凡殿廡門垣  
特命易以黃色琉璃瓦○又奉

旨直省府州縣學宮

先師廟及祭器等項如應行修葺凡本籍科甲出身  
之人及居家之進士舉人生監等平時讀聖賢之書  
有飲水思源不忘所自情願捐修者聽不必限數亦

不必勉強○四年覆準各直省督撫飭各府州縣衛  
所於各該地方擇潔淨之地置耜田四畝九分

內設立

先農壇壇高二尺一寸方二丈五尺並建

神倉

神庫

神廚○七年奉

旨曲阜

聖廟應建碑亭二座著欽差等動支正項鳩工興造

○乾隆元年

諭聞山西霍州

中鎮廟殿宇年久未修漸就傾圯著該撫委官確估  
修葺知會工部欽此○二年議準各直省督撫轉

飭各地方官將境內各壇應行修理之處詳估  
工料數目報明督撫咨部動用正項錢糧如式  
修理工竣報銷至各壇祭器或製造未備以及

歲久損壞應行修理者亦轉飭各地方官照依會典開載數目如式修造以備祭饗○十年議準各直省


先農壇宇如有傾圯及器具不備之州縣即勒限地方官賠補逾限題叅倘因循怠忽除地方官照例議處外該管道府照例降二級調用撫司罰俸一年○十五年奏準廣寧醫巫閭山之

北鎮廟正殿後殿神庫神廚鐘鼓樓石牌坊等處滲

漏朽折殿宇牆垣采畫塗飾多有剝落委官確

估動用

盛京戶部庫貯備用銀及時興修



欽定大清會典則例卷一百二十六



# 欽定四庫全書

史部

欽定大清會典則例卷一百二十七

詳校官檢討臣劉 炘

編修臣程嘉謨覆勘

總校官原任中允臣王燕緒

校對官中書臣朱 炘

謄錄監生臣曹勲祖

欽定四庫全書

欽定大清會典則例卷一百二十七

工部

營繕清吏司

城垣

京城規制

內城周四十里南面廣一千二百九十五丈九尺

三寸北二千二百三十二丈四尺五寸東長千  
七百八十六丈九尺三寸西千五百六十四丈  
五尺二寸下石上甃共高三丈五尺五寸堞高  
五尺八寸趾厚六丈二尺頂濶五丈設門九門  
樓如之角樓四城堞一百七十有二旗礮房九  
列戍八十四屯儲火藥房九十六所雉堞萬一  
千三十有八礮牕二千一百有八凡門樓均朱  
楹丹壁檐三層封檐列脊均緣琉璃城闔九惟

正陽門城闌闕三門譙樓一闌樓三餘八門城  
闌各一門譙樓闌樓各一凡譙樓闌樓均四面  
甃垣設礮牕雉堞均畱槍竇正陽門東西崇文  
門東宣武門西朝陽門南東直門南德勝門西  
各設水關一均內外三層每層皆護以鐵柵○  
外城環內城南一面計二十八里南面廣二千四  
百五十四丈四尺七寸東長一千八十五丈一  
尺西一千九十三丈二尺下石上甃共高二丈

堞高四尺趾厚二丈頂濶一丈四尺設七門門各有樓城闌七角樓六城堞六十有三列戍四十二屯儲火藥房七所雉堞九千四百八十有七礮牕八十有八凡東西便門樓及角樓制如內城譙樓設礮牕雉堞均留槍竇東便門東西便門東水關各一皆三洞每洞內外均有鐵柵東便門西水關一內外二層鐵柵如之○內城濠河發源玉泉山經高梁橋至城西北分二支

一循城北轉東折而南一循城西轉南折而東  
環繞九門經九牖匯流至大通橋而東悉砌甃  
石於兩岸地形高下不同濠之淺深因之正陽  
門外石梁三餘八門各跨一梁外城濠河亦自  
玉泉山分流至西角樓遶城南流折而東至東  
角樓環遶七門東達運河門外各跨一梁

一守禦器械內城正陽門信礮五大礮十礮車

十火藥一甕

計三十斤

號杆龍旗號鐙各五橐韃二

十弓二十矢四百架二座烏槍長槍各二十架  
二座餘八門如之雲牌各一崇文門東直門鐘  
各一無雲牌正陽門鎖鑰四紅杖四十餘八門  
半之正陽崇文宣武朝陽四門激箭各一正陽  
朝陽阜成西直安定五門各貯墊板十有六塊  
崇文等八門共分貯舊礮千八百二十有七○  
外城永定門鎖鑰二雲牌一橐韉十弓十矢二  
百長槍十銅礮五礮車五火藥二千斤餘六門

均如之永定門烘藥二十九斤右安門十有四  
斤餘五門各貯二十八斤各有奇西便門紅杖  
二十廣寧門紅杖十餘各四十

一修繕

京城崇德年定城垣房屋衙門工完令部臣察驗  
堅否工作不堪者即令原管工官修理如果堅  
固仍定限三年內塌壞者責令賠修○順治十  
七年題準由部委官不時巡視內外城垣凡有



損壞即行修葺○康熙五年題準內城下護城  
河岸遇有水衝處由部委官修築外城河岸順  
天府及五城官修築○又題準凡城上遇有窪  
漏之處步軍統領即會同本部委官察驗修補  
堆築堅緻俾水道流通無致浸齧○二十八年  
題準外羅城東便門起至西便門止水關倒壞  
之處本部侍郎會同府尹監修○三十九年議  
準嗣後八旗城上火藥房遇有傾圯由部會同

步軍統領察驗覈算奏聞令步軍營官兵修理其餘由部修理○雍正八年覆準內外城牆除土心之外舊趾濶五六尺頂濶三四五尺不等今議以趾濶六尺頂濶四尺著為定例城頂海漫堅築灰土鋪墊平坦毋使積水向來城垣踈有坍塌始行修葺不惟城輒破損而牽連坍塌者必多嗣後著步軍統領會同本部各委官一人不時巡視於雨水之前修葺堅固一年任滿

委官更代

一直省城垣順治十一年

諭各省城垣傾圯橋梁毀壞地方官能設法修葺不致累民者該督撫具題敘錄欽此○十五年覆準各官捐修城垣務將丈尺及用過工料逐一詳勘方準具題如藉端科斂累民即行指叅○又題準修完邊牆五十丈至百丈者紀錄一次○十六年覆準禁止有司罰百姓修築城樓雉堞○康

熙元年題準捐修城垣務照舊式堅築取結報部如不合舊式並三年內塌壞者管工官役該督撫指名叅處○三年定凡捐修城垣譙樓雉堞房屋等項督撫親身察驗保題若三年內損壞者監工員及該督撫皆降級賠修○四年奉旨捐修城垣令附近道員驗看取具堅固印結督撫具題議敘○七年議準停止見任官捐修城垣事例○十五年題準城池不豫先修理以致傾圮者罰

俸六月○二十四年題準各省倒壞城垣令督撫稽察速行修築堅固彙數報部如仍漫不修理將該督撫交部議處○三十三年覆準提鎮及專城副將叅游每年量捐工食給與步戰守兵修理邊牆至二百丈者紀綠一次八百丈者加一級多者照數遞加各將升量捐銀數修理丈尺每年造冊具報兵部察覈具題照例議敘○三十四年議準修築邊牆每兵日給銀四分

邊汛武官捐銀至六百兩者準隨帶加一級三百兩者不隨帶加一級百兩者紀錄一次○五十五年覆準修築邊牆議敘之處著永行停止如有傾圯令各鎮同地方官及時修補○雍正五年議準行令直省督撫察所屬各處城垣如此小坍塌令地方官及時修補如漫不經心以致坍塌過多即行叅奏其原坍已多者地方官量行捐修工完詳報委勘工程堅固量予議敘

如興工未竣遇有升遷事故將所修城垣造入  
交盤冊內移交接任官續修工完分別新舊造  
冊報部倘地方官因循怠忽或未修捏報並藉  
修城名色科斂民間者督撫題叅治罪○七年  
定外省新修城垣地方官遇有升轉離任將有  
無坍塌之處交代與接任官交代不明致有坍  
壞仍著前任官修補○八年覆準晉省坍塌邊  
牆該地方文武各官不時修築果能堅固如式

百丈以上者該撫提勘確年終題請議敘准予  
紀錄一次多者以次計算不及百丈者該撫提  
酌量獎勵倘捏報修築照妄冒軍功例治罪○  
乾隆元年覆準各處城垣遇有些小坍塌令地  
方官於農隙時修補如有任其坍塌者即行叅  
奏其坍塌已多需費浩繁者該督撫分別緩急  
報部有必應急修者一并妥議具題○二年

諭今年春夏之交直隸山東雨澤愆期二麥歉收雖



屢降諭旨蠲振平糶恐閭閻尚有艱食之虞著巡撫悉心計議開渠築堤修葺城垣等事酌量舉行使貧民傭工就食兼贍家口庶免流離再年歲豐歉難定而工程之修理者必先有成局然後可以隨時興舉一省之中工程之最大者莫如城郭而地方以何處爲最要又以何處爲當先應令各督撫確察分別緩急豫爲估計造冊報部將來如有水旱欲以工代振即可按籍速爲辦理於民生殊

有裨益欽此○九年奏準州縣城垣雖年久難免  
損壞亦由於地方有司未能隨時修葺以致日  
益傾圯有曾經題咨估需工料僅數百金至千  
餘金者嗣又陸續坍塌估至一二萬金不等是  
前估未修續坍又至何所底止應就見在坍塌  
之處報有段落丈尺及已經勘估報有工料銀  
數者爲準造冊由府州覈明詳撫存案飭令加  
謹防範嗣後凡有續坍處所除猝遇暴水衝壞

以及積雨淋坍實在工程浩大者據實詳明委該管府州親詣確勘出結造冊咨部存案俟歉歲以工代賑外其餘些小坍塌均責令州縣於農隙時酌撥本地就近民夫徐爲修補不得濫請動項亦不許請留代賑致滋推諉仍責令該管府州於每年盤察所屬時攜帶原估冊籍親加勘驗果無未經補修之工程即加結備考倘有續坍未經修整即酌定限期勒令修理完固

如延玩不修該府州即以玩視城工詳叅倘通  
同徇隱即令該府州分認賠修至見在已坍者  
亦應分別工料多寡次第修舉州縣原設有存  
公銀地方公事孰大於城垣即以此項購料興  
築並非捐墊其估需千金者除土方小工酌用  
民力外所需料價均令各州縣即在額設存公  
項下動用按年分修完固如遇升遷離任著接  
署之官驗明工段設有短少詳令修足倘通同

徇隱著落署官賠修○十三年覆準令各省督撫將所屬城垣周若干里高厚若干丈尺並見在坍塌長濶厚各若干逐一造冊報明以備稽察其或別有些小坍塌之處責令地方官及時修補倘玩視不修致令日漸傾圯即著賠修仍照例叅處如遇新舊交代著新任官照冊察明令前任官賠修倘徇隱不報著新任官賠修○又議準陝省邊牆在河套內者二千里在河西

者三千里套內之地沙浮無土而輕颺牆當浮沙之上坍塌者多河西之沙兼土而實坍塌者少套內舊建十有二堡見在居人八百十有九砦七十八小墩十有五大墩尚有堅完可觀者其牆雖傳浮沙亦可爲中外之限一切甃石自不應聽其倒塌爲閭人取去若河西之牆則尤不可使之漸壞令陝西督撫將見在邊牆飭令該管官弁加意保護其有坍塌甃石收貯備用

毋許聽人竊取如漫不經心即將該管官弁照例指叅凡有邊牆各省均照此例辦理

一城垣禁令順治二年定內外城樓及城上堆鋪不許閒人登視違者交部治罪○十七年題準內外城垣凡有頑民竊輒盜賣者送刑部依律治罪○雍正八年奏準令步軍統領嚴飭該管營弁不許附近居民於城根取土○乾隆九年

諭各省城垣自應加謹防範以資保障其殘闕處所  
修理雖有緩急若地方官果能隨時補葺自不至  
介然成路豈可縱容民人登陟不爲察禁整理朕  
從前經過地方見有殘闕之處聽民人踰越漸成  
路徑者令各省督撫董率有司留心整飭毋得仍  
前玩視欽此

鐘鼓樓附

鼓樓在



皇城地安門北趾高一丈二尺廣十六丈七尺有  
奇縱減三之一四面有階上建樓五間重檐前  
後券門六左右券門二磴道門一繞以圍廊甍  
垣周匝○鐘樓在鼓樓北制相埒建樓三間柱  
棧櫟題悉制以石

舊制用木乾隆十年改  
建以石十二年告成

府第 房屋附

一府第規制崇德年間定親王府制正屋一座  
廂房二座臺基高十尺內門一重在臺基之外  
均綠瓦門柱朱髹大門一重兩層樓一座及其  
餘房屋均於平地建造樓大門用甃瓦餘屋用  
版瓦郡王府制大門一重正屋一座廂房二座  
臺基高八尺內門一重在臺基之上正屋內門  
均綠瓦門柱朱髹廂房用甃瓦餘與親王府同



貝勒府制大門一重正屋一座廂房二座臺基  
高六尺內門一重在臺基之上均甌瓦門柱朱  
髹餘與郡王府同貝子府制大門一重正屋一  
座廂房二座均於平地建造用版瓦門柱朱髹  
○順治九年題準親王府基高十尺外周圍牆  
正門廣五間啟門三正殿廣七間前墀周衛石  
闌左右翼樓各廣九間後殿廣五間寢室二重  
各廣五間後樓一重上下各廣七間自後殿至

樓左右均列廣廡正門殿寢均綠色琉璃瓦後樓翼樓旁廡均本色甌瓦正殿上安螭吻壓脊仙人以次凡七種餘屋用五種凡有正屋正樓門柱均紅青油飾每門金釘六十有三梁棟貼金繪畫五爪雲龍及各色花草正殿中設座高八尺廣十有一尺修九尺座基高尺有五寸朱髹彩繪五色雲龍座後屏三開上繪金雲龍均五爪雕刻龍首有禁凡旁廡樓屋均丹楹朱戶

其府庫倉廩廚廐及祇候各執事房屋隨宜建  
置於左右門柱黑油屋均版瓦世子府制基高  
八尺正門一重正屋四重正樓一重其間數修  
廣及正門金釘正屋壓脊均減親王七分之二  
梁棟貼金繪畫四爪雲蟒各色花卉正屋不設  
座餘與親王府同郡王府制與世子府同貝勒  
府制基高六尺正門三間啟門一堂屋五重各  
廣五間均用甌瓦壓脊二獅子海馬門柱紅青

油飾梁棟貼金彩畫花草餘與郡王府同貝子  
府制基高二尺正房三間啟門一堂屋四重各  
廣五間脊安望獸餘與貝勒府同鎮國公輔國  
公府制均與貝子府同○又題準公侯以下官  
民房屋臺階高一尺梁棟許繪五彩雜花柱用  
素油門用黑飾官員住屋中梁貼金二品以上  
官正房得立望獸餘不得擅用○十八年題準  
公侯以下三品官以上房屋臺階高二尺四品

官以下至士民房屋臺階高一尺

一

賜宅額數順治五年題準一品官給屋二十間二品  
官十有五間三品官十有二間四品十間五品  
七間六品七品四間八九品官三間護軍領催  
驍騎各一間○十六年題準一品官給屋十有  
四間二品十有二間三品十間四品八間五品  
六間六七品各四間八九品各三間護軍領催

給屋二間驍騎步軍一間或買或造照數撥給  
○又定侍衛等給屋數目均照文官例一等待  
衛照三品官二等待衛照四品官三等待衛照  
五品官藍翎侍衛照六七品官其護軍前鋒領  
催等各給屋二間驍騎閒散人等各給屋一間  
一屋價順治五年題準一等屋每間折給銀百  
二十兩二等屋每間百兩三等屋每間八十兩  
四等屋六十兩五等屋四十兩六等屋二十兩



侍衛等屋折價亦如之○九年議準六等屋每間折給銀三十兩○又定凡由內城遷徙外城官民照原住屋數給銀爲拆蓋之費仍令部同五城御史察南城官地並民間空地給與營造○康熙七年題準

盛京後來兵丁未得房屋者該旗咨部照每人給屋一間例折給價銀三十兩令其自行建造○八年題準自一等屋至六等屋各減銀十兩嗣

後各處投誠人員給與官地建屋均照此例給價

一八旗房屋順治十一年議準八旗官員兵丁均照分定地方居住若遇調旗更地仍準住原處有情願買屋遷移者聽從其便該都統等不許強令遷移如欲自蓋房屋者該都統察給本旗空地準令自造至外來歸附之人應得房屋照所撥旗分買屋安插若無房屋由部於本旗

空地蓋給○乾隆六年議準旗民傾圮房屋情願自行修理者勒限令其苦蓋力不能修者酌量借給官銀修理若力不能修情願交官修理者照例給與房價動帑修補並分別緩急先將通衢大街房屋基地情願交官修理者給與價直委官估修借銀自修者借給官銀分限扣還及時辦理其巷內臨街房屋統於次年借給官銀陸續興修

一禁令順治初年定王府營建悉遵定制如基址過高或多蓋房屋者皆治以罪○四年鄭親王建造王府殿基踰制又擅用銅獅龜鶴罰銀二千兩○雍正十二年議準

京師重地房舍屋廬自應聯絡整齊方足壯觀瞻而資防範嗣後旗民等房屋完整堅固不得無端拆賣倘有勢在迫需萬不得已止許拆賣院內奇零之房其臨街房屋一槩不許拆賣○乾

隆八年奏準兵民人等臨街房屋皆其恆產非有急故誰肯輕棄或因年久傾圯修整無力即欲變價苦無售主又礙禁令不敢違例拆賣勢必日就坍塌倒甃瓦木植盡歸無用嗣後除旗人指俸認買官房扣限未滿私行拆賣者照例治罪外其已清帑項作爲本人產業或因傾頽無力修整或有萬不得已拆賣濟急情由城內報明該地方步軍尉城外科官存案準其

拆賣其有不告官司將認買官房私行拆賣者  
察出照例治罪至於兵丁自置產業無論院內  
臨街均聽自便番役人等不得藉端勒索○又  
奏準

京城廬舍觀瞻所繫今旗民臨街房屋準其拆賣  
雖屬便民之舉但不為設法辦理恐將來拆毀  
過多不足以肅觀瞻嗣後旗民人等臨街房屋  
實在拆賣濟急者呈明該地方官察看果繫僻

巷尚可建築牆垣令其拆賣即行築牆遮蔽聯絡整齊其餘臨街房屋不可建築牆垣者仍一槩不準拆毀○十九年

諭京師爲萬方輻輳之地街衢廬舍理應整齊周密以肅觀瞻乃近來京城內外多有拆舊房屋者行戶等亦藉以居奇射利此陋習也見因八旗人衆居住不敷特發帑金增置以資棲止該管大員祇圖近便率購舊料致將已成之屋輾轉拆蓋料物

必多耗折是因增而轉減於生計亦屬無益著工部步軍統領順天府尹五城御史出示嚴行禁止  
欽此

一優卹順治十年

京城霪雨倒塌房屋奉

旨發內帑銀八萬兩撫卹滿漢兵民○又覆準令五城御史察造空舖火房安息窮民所用錢糧於工部支取○又覆準每城造棲流所屋二十間交



五城察管俾窮民得所○康熙十八年以

京師地震傾倒房屋奉

旨發內帑銀十萬兩振卹兵民○雍正三年

諭今年雨水過多人家屋漏牆垣倒塌貧乏兵丁不能  
修葺朕深加憐念所宜特沛恩施務令咸得安居著  
發戶部庫帑九萬兩賞與八旗每旗萬兩上三旗內  
府佐領萬兩俾貧乏兵丁修理房屋得有裨益欽此

○五年

諭邇來頻雨想八旗兵丁房屋牆垣必有坍塌者將戶部庫銀賞給滿洲旗下每佐領百兩蒙古漢軍人數較少蒙古旗下每佐領七十兩漢軍旗下每佐領五十兩上三旗內府佐領內管領及五旗諸王之府屬佐領照滿洲旗例賞給諸王之管領下人等不必賞給將所賞銀交與各旗該佐領察屋垣倒壞應賞者賞之如該佐領下無屋垣倒壞者即均勻賞給欽此

○又

諭來京考試舉子等朕加恩體卹屢諭崇文門監督不  
必檢其行李致滋勒索但恐巡役人等未必奉行盡  
善且恐日久弊生或有不肖之徒假冒舉子名色夾  
帶貨物亦未可定可於蘆溝橋收稅之所設立店房  
務期寬展可容多人令考試舉子等即於店內安放  
行李其行李內有無應行上稅之項著人驗看看畢  
給與照單令其入城廣寧門不必重驗如此則舉子  
行裝不致狼籍亦可免宵小假冒之弊即尋常商賈

在內歇宿亦屬甚便此事可否舉行之處詳加酌議  
具奏欽此遵

旨議準於蘆溝橋之西北近稅局處建造房屋三所共  
八十八間○乾隆二年奉

旨賞給公產地價銀十有六萬七十餘兩建立官房  
分給旗人居住○十六年奏準先經直督奏請八  
旗正戶人等有願下屯種地者上地撥給百畝  
中地百五十畝下地二百畝並給與房屋牛具

銀令其下屯耕種以裨生計今乃不惟無益且有不肖之徒冒領花消逃回京者應令直督察緝逃戶依律治罪嗣後旗人停其下屯種地但八旗生齒日繁無業旗人難免不敷居住之慮京畿重地空隙之處理宜修建整齊請將分給八旗屯種人戶存退餘絕地畝租銀及直屬見存續行入官與未賣公產等地歲入租銀令步軍統領檢出

京城空隙地基給價置買交與工部估建官房賞給貧乏旗人居住其臨街房屋或有坍塌詢明原業情願售賣者照例給價置買一例修建仍將用過工料銀按年題銷各旗該管官不時稽察或有私相典售者將房屋徹出價銀入官照律治罪該管官不能察出亦照例議處再乾隆二年分給旗人官房迄今十有五年或有坍塌不堪居住及不肖人私相典售者令各旗嚴察

毋得徇隱如有坍塌之處覈明報部確估興修  
彙案題銷隨按八旗地界檢點出空隙地基五  
百三十八處內情願自己修葺者二百七十八  
處無庸建造者五十四處其餘空地二百六處  
約可蓋房三千九百六十一間委官估計族辦  
料齊備陸續興修再八旗所報官修地基內此  
際如有復報自修者準其自行修理見報自修  
地基內倘不能自修復行報官修理者亦準其

呈報官爲修理見在旗人居住官房如有坍塌  
族各旗送齊一例興修十八年先將八旗空地  
一百三十七處增蓋官房四百四所計二千六  
百六十四間門樓千二百六十一間垣牆三千  
四百五十一丈官買地基一百十有八處折見  
方丈七千三百六十餘丈共約估物料工價銀  
十有四萬一千五百餘兩陸續由戶部支領工  
竣覈實題銷





## 公廨

一修理公廨順治八年題準凡有錢糧衙門或遇損壞由部委官估計酌定工料數目轉行該衙門動支雜項銀徑自修理原無錢糧衙門由部議估興工○又題準八旗演武教場各按旗分建立○十年議準親王以下宗室子弟建立宗學量給工價自行蓋造○十一年覆準委官修理國子監衙門動支該監積貯銀如有不敷

由部增給嗣後如有損壞該監動額設錢糧自行修理○十三年建

大閱教場於德勝門外○十八年改鑲黃旗教場於安定門外正黃旗教場於德勝門外正白旗教場於東直門外鑲白旗教場於朝陽門外正紅鑲紅旗教場於阜成門外正藍旗教場於崇文門外鑲藍旗教場於宣武門外各建演武廳○

康熙元年定

京城貢院每逢試期順天府咨呈工部委官修理  
今各項錢糧歸并戶部應令工部委員會同順  
天府官確估具題交順天府動該府存貯戶部  
銀修理工完造冊報部覈銷其貢院廳堂房屋  
共二百十有八間東西號舍共七千二百四十  
間○七年題準八旗官學房舍傾圯察覈修理  
○十一年覆準增蓋貢院號舍千間○二十四  
年題準修理貢院號舍易以椽瓦○三十八年

覆準貢院前建牌坊三座○四十一年題準貢院號舍不足向例復取轎號今加增號舍七十五間以免舖戶擾累○五十四年覆準重建明遠樓四角樓修蓋號房千五百間及都統監察騰錄供給等處房屋外圍牆垣槩砌以甌○雍正二年

諭宗室學房左右兩翼著各立一所欽此遵

旨議準左翼給鎧市口官房百有三間右翼給瞻雲坊

官房九十二間○又題準增給八旗官學房舍  
八十三間○又議準八旗教場各造演武廳一  
座鑲黃正黃旗各五間餘六旗各三間看守房  
各三間○四年奏準將安定門內大街官房六  
十七間爲步軍統領衙署○七年奏準五城司  
坊官惟東城正指揮舊有衙署餘皆賃屋治事  
請酌撥官房十有四處賞給各城司坊作爲官  
廨○十二年奏準步軍統領所轄捕盜旗員三

營將備以及番役人等拏獲人犯向無公所羈  
禁繫原差領回看守待質是以蠹役得以藉端  
索詐多方恐嚇擬於衙署之內設立羈禁審犯  
之所仍請照監犯例支領柴米別委弁兵看守  
以杜兵丁番役人等需索恐嚇之弊但見有公  
署既無羈禁審犯之地且問事處所密邇街衢  
未爲允當請將瞻雲坊內務府官房九十四間  
給爲步軍統領官廨舊有安定門大街公署仍

交與內務府收管○又議準貢院地既寬大房屋號舍甚多一應房舍什物等項應設立專官管理將順天府屬照磨移駐貢院於貢院西轅門內空基蓋造房屋十有二間令照磨居住掌管貢院並經管一應存貯官物○又議準步軍統領所轄巡捕三營游守向無衙署本汛緊要地方無可賃房屋內汛皆然其外汛落鄉更難得堪作衙署之屋均於關廟附近租賃民房實



不便稽察巡緝應照五城司坊之例於該汛適中緊要地面給與官房以爲衙署見在官房之內可作衙署者共五十處但房間多寡不等難以畫一分撥今擬給游擊二十餘間守備十餘間無官房處量給官地令其起蓋衙署其需用工料於步軍統領衙門存公房租銀內動用仍令該統領委官據實確估工竣之日造冊咨部覈銷○十三年覆準增設貢院號舍千六百八

十五間與前八千三百十有五間統成萬間之數如式建造工完造冊題銷○乾隆二十一年

奏準將

地安門外禮部會同館宇改爲步軍統領公廨舊有宣武門內瞻雲坊公廨即改爲禮部會同館一各省公廨雍正二年覆準凡督撫提鎮及有屬員之官蒞任其屬官科累兵民修理衙署備辦器皿及州縣守禦等官到任屬下人役鋪設

修理累及兵民者悉嚴行禁止不肖有司指稱  
修飾衙署等項科累兵民該上司即據實指名  
題叅文職照科斂律武弁照剋扣律治罪如該  
上司徇庇或勒令屬官修理衙署者發覺之日  
將該上司一并交部分別議處再官員離任署  
內在官一應物件移交接任官倘物件被家人  
毀盜將家人照毀盜官物律治罪其毀盜物件  
仍著舊任官照數賠補○又議準地方有司遇

有修理衙署及一應官事所用工料器物務照  
時價給發鋪戶工役買備其設立總甲出票官  
買派工伺候之處嚴行禁止倘有不肖官員肆  
行科斂擾累小民者該管上司即指名題叅從  
重治罪如該上司隱匿徇庇或別經發覺或被  
旁人首告或被科道糾叅將該管上司一并交  
部議處○乾隆元年

諭各省州縣與民最親凡大小案件無不始終於州

縣衙門是以舊制錢糧刑名等項分委承辦設有六房即附於州縣公堂之左右使經制胥吏居處其中既專一其心志亦慎重其防閑立法最善乃聞近年以來多有六房傾圯不加修葺胥吏棲身無所往往挾其卷牘收藏於家每遇急需檢閱之案無以存貯悉以胥吏之口爲憑而隱匿抽換之弊不可枚舉前後印官雖心知其弊而因循苟且或修理無資遂沿習而不知整理此亦有關吏治

之一端也著各省督撫通行所屬州縣驗明六房  
屋宇或有未備者各於舊基如式建造將一應案  
牘慎密收藏並分別號件登記總簿以備稽考倘  
胥吏換班有私帶文卷出署者從重治罪若本官  
失察一并議處其修造之費著該督撫藩司於本  
省公用銀內確估給發欽此○五年奏準各省文  
武衙署照倉庫營房之例造入交盤冊內前後  
交代如有些小滲漏坍塌令該官并隨時黏補

修理如實繫年久傾圯必須拆卸大修需費浩繁者亦照城垣之例該官弁詳明督撫委官勘估取具並無浮開印結該督撫確覈具題議覆興修○十六年奏準雲南督撫學政藩臬糧鹽及迤西道各衙門因地處邊陲山高風烈房屋皆用甌瓦灰泥膠砌一處滲漏拆修通體皆須苫蓋且梁柱椽枋易於折蛀亦須不時更換工多費繁先繫餉自里民總名公件嗣後覈實清

釐按衙署之大小定修費之多寡督撫二衙門  
每年各修理銀八百兩藩司六百兩臬司四百  
兩糧鹽二道各二百四十兩迤西道及學政衙  
門各二百兩按年聽其自行支銷相沿已久乾  
隆十三年釐定章程未準戶部議及但滇省屋  
宇情形與他省迥異實在必需況迤東道衙署  
因向無額設循照迤西道之例年給修署銀二  
百兩業經列入章程則各該衙門自應一例準



其支給應將此項修署銀在乾隆十三年未定章程以前者免其造冊報銷已定章程以後者仍準按年於公件項下照數動給○又奏準雲南督撫學政司道衙署該撫以該省屋宇情形與他省迥異實在必需隨時修理奏請按年照數支給惟是一切工程定例由部覈銷今按年自行支給有餘不敷無憑稽察且官署既經修理自可以保固數年何至歲需葺治請自乾隆

五年至十一年在未定章程以前者應遵

旨免其造冊報銷至乾隆十三年以後動支銀數章程案內既無議給之款應令該撫將十三四五等年修理之項轉飭造冊報部覈銷嗣後該省督撫學政藩臬糧鹽及迤西道各官衙署未便按年支修如果勘明滲漏坍塌必須修葺仍令該撫隨時奏明動款興修實用實銷毋得浮於從前酌定之數並將確估工料細數據實報部

覈銷

倉廩

一倉廩營建順治初年定

京城八倉通州三倉每倉以五間爲一廩每間七  
櫺六椽濶丈四尺深五丈三尺山柱高二丈二  
尺五寸檐柱高丈五尺五寸每廩頂各開氣樓  
一座廩底甃砌上鋪木板廩門及牆下均開竇  
穴以洩地氣○京倉祿米倉共二十五廩官廳  
三間官舍七間科房三間井一○南新倉共三

十廩官廳一座官舍八間科房四間井一○舊  
太倉共四十二廩官廳三間科房三間井二○  
海運倉共三十八廩官廳三間科房三間井一  
○北新倉共四十九廩官廳三間科房四間井  
二○富新倉共二十八廩官廳三間官舍八間  
科房三間井二○興平倉共三十廩官廳三間  
科房二間班房一間井一○太平倉共十有五  
廩水門三道官廳三間官舍四間科房三間○

通州西倉共一百十有二廩倉西門官廳三間  
後房一間倉南門官廳三間後房一間井三〇  
中倉共六十四廩倉南門官廳三間倉東門官  
廳三間倉北門官廳三間科房三間井一〇南  
倉共四十五廩倉東門官廳三間倉北門官廳  
三間官舍六間科房一間井一  
乾隆十八年奏裁 〇石  
壩號房五十六間大通橋盤糧廳三間號房六  
十四間朝陽門外號房二十八間

一倉廩增建順治十七年覆準各倉場基固基  
均用甃鋪砌○康熙六年題準增設京倉廩房  
由部確估移咨戶部轉行倉場動支通濟庫輕  
齎銀如不足用戶部補給○二十二年題準增  
造海運祿米等倉八十一廩○三十二年題準  
舊太南新等六倉增三十六廩通倉增十廩○  
四十一年題準通州增建看守三倉官房四十  
八間兵房二百四十間○四十二年題準富新

太平等倉增四十一廩通倉增二十四廩○四十四年議準太平倉廩歸并祿米倉別建三十新廩○四十六年題準建本裕倉三十廩號房五間井一○四十九年題準大通橋號房十間歸并太平倉改建十廩○五十二年議準通州中南大西三倉增建百廩○五十五年題準舊太海運太平等倉增四十六廩○五十六年題準興平南新等倉增三十一廩通倉增二十四



廩○雍正元年議準建萬安倉四十二廩官廳  
三間官舍十間科房三間○又議準太平倉南  
增二十五廩海運等倉增三十九廩通倉增二  
十四廩○二年奏準重修石壩號房三十間建  
造土壩號房三十間增造通州新舊二城號房  
各十有五間○四年議準萬安倉照太平倉之  
例增立東水門二道○五年議準大通橋河東  
號房十有六間移建於朝陽門外○又議準石

壩號房見有五十六間外增建五十間朝陽門  
外見有號房二十八間外增建十有四間○六  
年議準增建裕豐倉共六十三廩官廳三間官  
舍十有五間科房六間又增建儲濟倉共百有  
八廩官廳三間後廳三間科房三間井一○七  
年奏準北新海運南新舊太富新興平祿米七  
倉共建堆房三十三所太平萬安二倉共建堆  
房八所交與該倉監修官蓋造照例保固三年

○是年議準增建豐益倉共三十廩官廳三間

官舍二十間科房四間號房十間退堂房三間

皆由內務府經理

○又議準各倉附近之處撥給官房

三間以爲收貯文卷辦事之所如無官房可撥

即於本倉茶果銀內動用建造○八年奉

旨本裕倉圍牆下用甃砌水道別倉亦照此例○乾隆

元年議準在京各倉積貯充盈新糧不敷收受

祿米裕豐富新三倉並無隙地無庸增建南新

倉增一廩舊太倉增九廩海運倉增二十廩北  
新倉增五廩興平倉增一廩太平倉增六廩萬  
安倉增三廩儲濟倉增四十八廩○二年題準  
萬安倉東水門二道移建太平倉○四年議準  
分儲濟倉四十八廩建萬安東倉增建官廳三  
間科房三間以舊萬安倉爲萬安西倉○六年  
議準京通各倉各就廩房之多寡地基之廣狹  
酌增井以備緩急太平裕豐二倉取水近便毋

庸掘井祿米倉增井五南新富新北新三倉各  
增井八舊太興平二倉增井七海運倉增井九  
儲濟本裕二倉各增井二萬安西倉開建東水  
門五道萬安東倉掘井四通州西倉增井六中  
倉增科房十間井四南倉增井三〇又議準倉  
中竹席板木因積貯充實並無空廩堆貯應於  
廩座相間處依牆下柱上加椽瓦後用牯版每  
倉修蓋三五處以資收貯計祿米南新舊太海

運富新興平太平東西萬安儲濟十倉各建貯  
席板房三間北新裕豐二倉各建貯席板房五  
間

一修葺倉廩順治初年定三年一小修五年一  
大修工價屬戶部辦料屬工部自錢糧歸并戶  
部所需料價銀並咨戶部給發○又覆準守倉  
夫役每名月給米六斗每歲額修倉廩七十五  
間如遇工作每名日給米一升○九年題準京

通倉廩小修屬倉場侍郎酌量委監督隨時修理於戶部支銀如遇大修時由部確察勘估措辦物料戶部給發工匠價直○十三年題準修理倉廩所估應用物料工價經管官造冊移送巡倉御史察覈如有取用舊材開銷新價及虛報浮估者聽巡倉御史糾叅○十六年議準修造倉廩三年內損壞者令原修官役賠修一年內坍塌者除原修官役賠修外仍照例治罪○

康熙五年題準停止倉廩歲修之例如遇漕糧  
壅積闕廩收貯或有坍塌應修者倉場侍郎具  
題

勅部會同戶部暨倉場侍郎察驗確估具題修理○  
六年議準通倉應修廩房倉場侍郎具題由部  
會同戶部公同驗估動支通濟庫輕齎銀發通  
惠河分司鳩舉○十八年題準京倉差本部官  
督修通倉交通惠河分司修理仍差戶部官一



人公同估計其通濟庫輕齎銀截充兵餉應用  
銀於戶部支取○二十五年

諭聞得倉廩年久滲漏米糧浥爛深厚倉糧軍民所需  
關係綦重毀壞漏雨應修廩房倉場侍郎親身逐一  
細察具題欽此遵

旨議準動通濟庫銀交各監督修理嗣後倉廩倒塌即  
照此例修理造入年終冊內題銷○三十八年  
覆準嗣後各倉廩及號房圍牆或有倒塌倉場

侍郎親身驗明即令該監督等估計動用通濟  
庫銀呈報戶部速行修理工完將用過銀數奏  
銷○雍正二年覆準各倉牆垣如有滲漏坍塌  
之處該監督報明倉場侍郎即親身驗看明白  
該監督果能捐修完固俟任滿交代清楚之後  
倉場侍郎覈明具題將實在捐修銀數造冊送  
部覈明交與吏部照例議敘按銀數多寡準其  
加級紀錄以示獎勵○三年奏準京倉向用木

板鋪墊十年一換通倉例用席片應將京倉展  
限至十六年一換所餘木板鋪墊通倉○四年  
覆準各倉已開濬水溝墊土造橋令各監督於  
每年二八月中巡視疏濬永爲定例不行修築  
者題叅議處並行令步軍統領飭該地方步軍  
禁止堆積壅滯○又覆準令倉場侍郎驗明見  
在放空之廩即將見存板木滿鋪廩底堅固鋪  
墊如有不敷確估報部動支戶部庫銀採買板

木應用嗣後放空之廠俟各省隨糧解送本色板木到日陸續鋪墊○五年

諭京通倉廩多有屋瓦滲漏牆垣損壞者在京各倉每倉或都統或副都統各一人御史中不論滿漢每倉各委一人專任稽察之責其支放奏銷等事不必經管惟倉房滲漏牆垣損壞與倉內鋪墊及匪類偷竊各弊察出即行文倉場侍郎知之若倉場侍郎遲延不及時辦理妥協即據實奏聞倘不能察出弊端以

致虧損倉糧著落稽察之都統副都統御史與倉場監督等分賠其通州三倉即照此例交與通永道通州副將稽察其失察分賠之例亦與京倉同欽此○

十二年議準京中各倉每年戶部各發銀百兩交貯倉場侍郎衙門凡有一切奇零修葺之處該監督確估申報倉場侍郎並稽察之都統御史會覈領銀及時修補如有違誤稽察官據實叅奏工竣照例保固造冊送部委官覈驗倉場

衙門仍於歲終彙造各倉用銀清冊送部覆覈  
題銷至工程用銀在百兩以上者應令稽察之  
都統御史會同倉場侍郎詳細估計專案奏明  
於戶部領銀興修工竣日造冊送部題銷○乾  
隆三年覆準通州西中南三倉放空之廩有應  
修者所需工料銀照在京之例豫行估計報部  
如百兩以上者題請動項工竣造冊題銷如不  
及百兩者就近在於通庫輕齎銀內動支興修

工竣據實造冊報部察覈仍於歲終將準銷銀數彙冊具題至扣存公費銀俟動用完工將逐項準銷細數開單咨部○四年奏準凡各倉修理工程咨部委官估計將清冊移送該倉自行修葺工完之日該倉巡察細加察驗造冊送部委官察覈俾承修官於工程不敢草率於錢糧不致浮冒若將倉廩工程令工部委官估計復委官監修及至工竣又繫工部司官察覈其中

恐有扶同侵隱之弊應將各倉工程照舊自行  
修理工部料估覈銷則彼此互相稽察均有裨  
益○六年奏準各倉廩鋪墊板木向例十六年  
一換今皆堅固整齊毋庸復拘定例統竢每季  
放空之後察有朽壞者用歲收板木每廩酌量  
抽換隨時修理○八年奏準各倉廩抽換板片  
例應由部委官察驗覈銷每因新糧到通需廩  
貯米不及候驗嗣後抽換廩板如在新糧未到



糧務完竣之日仍照舊例辦理倘遇新糧到通之時由倉場侍郎委官就近察驗咨部覈銷○

十八年

諭嗣後各倉遇有應修工程著工部倉場該旗各委官一人會同料估修理欽此○又奏準通州西中南三倉收貯漕白米糧支放俸糴每年額貯至多不過四五十萬石不等計各倉廩貯米之外見空者二百二十六廩酌量情形西中二倉足

數收貯南倉八十一廩似可不設再雍正年門  
京師增建東西萬安裕豐儲濟等四倉漕糧運京  
者多通倉貯米只有此數因之空廩日增而滲  
漏傾頽亦所時有定例廩房應修無論有無需  
用該監督例應呈報察覈興修工竣仍多閒置  
虛糜帑金請俟南倉米糧放完之後即將該倉  
裁汰其額貯數目歸并西中二倉照常收貯無  
庸再爲設立見在報修之廩即行停止

一直省倉廩順治十三年議準積穀振濟務令  
修葺倉廩○康熙二十四年議準喜峯口張家  
口下堡城殺虎口殺虎堡城內各造倉房五間  
○二十五年題準默爾根地方起造倉廩收貯  
米穀○二十六年題準古北口建造倉房十有  
五間○三十一年覆準古北口外坡賴村建造  
倉房十有五間○三十二年奏準湖灘河朔建  
造倉房一百五十四間○三十六年題準湖灘

河朔建造倉房五十間○雍正四年

諭凡倉穀霉爛皆由於倉廩不修之故平日地方官所司何事以致倒塌滲漏虧折米糧愈當加懲者今若寬其處分則有司於倉廩平日必不加意修理以便措辭著九卿議奏欽此遵

旨議準凡該地方倉廩無多將倉糧寄貯僧道寺院者或有露囤者該地方官即行具詳該督撫確勘具題倘州縣官因循怠玩不將倉廩葺補修治

又不詳請建造以致米穀霉爛應照溺職例革職倉廩既經修理猶有託名霉爛虧空者照侵蝕例治罪○十一年議準喜峯口倉就近歸於遷安縣經管每間貯穀五百四十石應建倉廩二十六間○乾隆四年議準直省興建倉廩準在存公銀內動給每間貯米五百石需工料銀二十兩○十八年奏準積貯爲本計所關而推行惟義倉尤便蓋鄉村分貯領散可以隨時典

守在民吏胥無由滋弊直隸密邇畿輔緩急尤  
宜豫備於四鄉酌設倉廩自三四區以至十有  
八區擇人煙稠密形勢高阜之處使四面村莊  
爲附麗近在十五里內者三十三縣在二十里  
內者七十三州縣在二十里及十餘里者三十  
三州縣在三十里內者三州縣在四十里內者  
二縣督諸有司隨宜勸導俾各出有餘不限粟  
麥悉從其便見據報新舊義穀二十八萬五千

三百餘石將各州縣衛大小村莊並各村到倉  
里數悉載於圖統計爲圖百四十有四合百四  
十四州縣衛共村莊三萬五千二百有十倉一  
千有五使各州縣衛按圖計倉知各村之孰遠  
孰近按倉稽穀知四境之或絀或盈凡於境內  
振糶惠民之舉一目了然亦足以資措理

營房

一

京師營房

皇城内八旗滿洲官廳十有六所步軍堆撥房九十所鑲黃鑲白二旗官廳各二堆撥各十正白正藍二旗官廳各二堆撥各十有一正黃正紅鑲紅鑲藍四旗官廳各二堆撥各十有二〇内城八旗堆撥房左翼三百二十七所鑲黃旗滿



洲五十三所蒙古二十二所漢軍十有七所正  
白旗滿洲五十一所蒙古二十所漢軍十有四  
所鑲白旗滿洲四十六所蒙古十有三所漢軍  
十有二所正藍旗滿洲四十五所蒙古十有九  
所漢軍十有五所右翼二百九十九所正黃旗  
滿洲五十五所蒙古漢軍各十有八所正紅旗  
滿洲三十八所蒙古十有四所漢軍十所鑲紅  
旗滿洲四十八所蒙古十有三所漢軍十所鑲

藍旗滿洲五十所蒙古十有五所漢軍十所各  
旗官廳蒙古漢軍各二所滿洲各五所守門班  
房每門左右各五間城上堆撥房左翼四十三  
所右翼四十一所儲火藥房左翼四十七所右  
翼四十九所所各三間每門旗礮房三間屬左  
翼者五屬右翼者四城內更房

正陽門四間崇文東直西直三門各二間餘五門  
各一間○外城巡捕三營堆撥房中營官廳九

所馬兵五十四所步兵五十五所南營官廳八  
所馬兵六十二所步兵八十二所北營官廳八  
所馬兵四十九所步兵四十所守門班房東西  
便門各六間餘五門各十間城上步兵堆撥共  
四十三所官廳六所每門城上儲火藥房及看  
火藥房各一間城內更房永定廣渠二門各四  
間東便廣寧二門各三間西便門二間左安右  
安二門各一間○

圓明園

暢春園八旗步軍堆撥五十所三營馬步堆撥六十七所馬兵十有五所步兵五十二所

靜明園三營步兵堆撥十有二所

靜宜園馬步堆撥二十一所馬兵三所步兵十有八所○康熙三十四年題準於八旗教場等處蓋造兵丁住房每旗二千間共萬六千間無房兵丁每人給房二間居住○三十九年議準

京城城上房及營房等工如有坍塌傾頽由步軍統領咨部隨時修理○雍正二年議準

圓明園設八旗護軍官兵營房每旗叅領一人給房十有三間副叅領二人各給十間署副叅領四人各八間護軍校十人各六間護軍三百七十五名各三間○又設內府三旗護軍官兵營房每旗叅領一人給房十有二間副叅領一人給十間署副叅領一人八間護軍校三人各六

間護軍四十名各三間○六年奏準

京城九門內均有八旗兵丁看守城外獨無應增

撥八旗官兵看守

正陽門外見有巡捕營官兵毋庸再撥旗兵外其

崇文等八門城外各旗撥滿洲蒙古漢軍散秩

官四人驍騎校四人驍騎二百名令各攜家口

駐防官員各給住房八間驍騎校各五間驍騎

各二間再於城門相近各設堆撥房八間令駐

防官兵輪班巡守共蓋造官員驍騎校兵房堆  
舖每門四百六十間計三千六百八十間○乾  
隆十年奏準內九門城上共房二百四十一所  
每所三間計房七百二十三間除收貯鎧旗信  
礮火藥外尚有堆撥房百三十五所設步軍堆  
撥八十七處如遇

駐蹕圓明園增驍騎堆撥四十八處恭遇

車駕巡狩方岳將步軍徹下分防大街巷口城上悉

令驍騎看守其房屋如有坍塌照例移咨工部  
隨時修理至外七門城上繫巡捕三營官兵看  
守設有堆鋪十八處其堆鋪並非官建悉無瓦  
片木料皆屬遠年自行建造之土房見多傾頽  
難於棲止且周圍二十五里有餘僅設堆撥十  
有八處相距寫遠守望不周應於七門城上增  
蓋堆鋪二十八間除分給直班千把總三間外  
餘悉安設堆撥二十五處即動支步軍統領衙



門房租銀建造○十二年奉

旨圓明園八旗每旗增護軍百名照例每名各給住房三間○十四年議準隨征金川雲梯兵千名別設一健銳營分爲兩翼左翼翼領一人右翼翼領一人各給房十有三間每旗叅領一人各給房十有三間副叅領一人各給房十間前鋒校鑲黃正黃二旗各七人餘六旗各六人均各給房六間八旗前鋒每名給房三間左翼建四層

碉樓十有四座三層碉樓十有八座右翼建五  
層碉樓二座四層碉樓十座三層碉樓二十四  
座○十八年奉

旨健銳營增設驍騎千名蓋造官兵營房二千一百  
五十二間紅石山水師營委署前鋒叅領二人各  
給房八間副前鋒校八人各給房三間驍騎百二  
十名各給房二間鑲黃正黃正白鑲白鑲紅鑲藍  
六旗每旗委署前鋒叅領二人正紅正藍二旗委

署前鋒叅領各一人均各給房八間八旗驍騎各百有十名每名各給房二間

一直省營房順治十四年覆準甘肅文武各官輸銀建造營房照修城例分別議敘○又題準浙江杭州官紳捐造羅木營房照例議敘○康熙元年題準江西建昌營房動支柴夫工食銀建造○三年題準貴州省動支四稅銀修蓋營房安插投誠官兵○九年題準官員將官兵營

房不行修理安插以致占居民房者罰俸一年  
○十三年議準直隸增設八旗駐防官兵營房  
動該地方正項錢糧蓋造○三十三年題準撥  
給右衛駐防官兵房屋共蓋造十萬八千五百  
二十九間○又題準造給古北口石匣營二處  
營房千七百五十間張家口營房千間皆動支  
正項錢糧○三十四年題準陝西寧夏蘭州二  
處駐防官兵撥給房屋將軍二十五間副都統

各二十間協領各十有五間叅領佐領各十有  
二間防禦各八間驍騎校各六間驍騎各二間  
○四十四年覆準蓋造湖廣提督標下官兵營  
房四百間○四十七年覆準貴州銅仁府增設  
文武官兵於正大龍頭二處修造廨舍營房一  
百三十七間○五十五年覆準奉天旅順口水  
師營蓋造官兵住房一千三百四十四間○五  
十七年覆準蓋造河南省城八旗駐防兵丁匠

役等房二千五百八十四間○六十年題準造  
四川成都府八旗駐防官兵營房四千九百八  
十間捐造各官照例議敘○雍正四年議準天  
津州設立水師營建造營房照寧夏駐防間數  
分給○五年覆準陝西潼關蓋造駐防官兵營  
房二千六十四間○六年覆準遷安縣冷口增  
蓋官兵營房十間○七年覆準寧古塔伊屯設  
立官兵蓋造營房共四百五十間○八年覆準

浙江乍浦新設駐防建造營房千六百間又旱  
門水門及營內守宿房共三十二間○十二年  
覆準各省墩臺營房令州縣官會同該汛營弁  
稽察隨傾隨扶仍令該管道府將備不時嚴察  
如文官怠玩草率遲延令道府揭叅武弁疎縱  
兵丁殘毀令將備揭叅倘道府將備互相推諉  
令督撫提鎮覈叅至文武官弁離任時仍照壇  
宇倉廩之制并入交代取具接任官印記各結

詳報該上司存案倘在任時不加修葺以致倒塌後任官不肯接受者該上司察實著令賠修題叅議處如去任官弁無力賠修文官著落不嚴叅之道府武官著落不嚴察之將備修理如兵丁作踐拆毀一經察出將該目兵責革仍著落汎弁獨賠汎弁無力即著落將備分賠至交代時後官若有勒索及濫收等弊該上司亦即題叅○十三年覆準宣化鎮新增官兵每兵一



名給大房一間其沿邊隘口造給房二間看守  
墩臺之兵仍照舊例每兵五名給房三間○乾  
隆三年覆準下江各汛墩臺營房應定歲修之  
法責令兵丁隨時修補凡新造之營房於六年  
限內每年每間給銀二錢其六年之後每間歲  
給銀三錢牌坊木樓煙龍每項給銀五分仍令  
該管官并不時稽察修補除江岸海濱颶風暴  
雨潮汐衝突致有坍塌損酌量免賠外其餘如漫

不經心任聽坍塌官則分賠兵則革換其每年用過銀數統於歲終彙冊覈實報銷○又奏準上江營房亦照下江之例一例準給歲修永定章程於存公銀內動支○四年覆準雲南塘汛營房照江南歲修之例按年修理牌坊木樓等項亦照例歲給銀五分至草房土舍六年限內每間歲給銀一錢五分六年限外給銀二錢統於存公銀內動支○又覆準直屬墩臺營房除

永清等二十二州縣地處偏僻向無設立墩臺  
營房外所有霸州等七十一州縣原非衝塗孔  
道其土墩土草營房見屬完固足資守望應飭  
隨時修葺入冊交代其東西南北四大路

皇陵大路五十州縣土墩土草營房應分別先後著大  
興等州縣次第委官會同地方官確勘覈估逐  
案報部興修改建甄瓦按年彙冊題銷自乾隆  
四年爲始分作三年辦理工竣之後仍交與地

方官隨時修葺入冊交代再新設承德一州

乾隆

七年裁歸熱河同知移駐

向無汎撥往來商賈甚多應設汎

十有九處建墩臺十有九所以資瞭望共營房

一百九十間分年陸續辦理其所需工料銀令

該督先行確估一并造冊覈銷○五年覆準廣

東沿海緊要礮臺如遇損壞令營弁驗明移報

州縣州縣官即日親往驗看報明督撫委官察


實確估一面給銀興修一面造冊報部勒限兩

月完竣如逾限不完照承修遲延例覈叅其僻  
在內港礮臺雖非扼要然竟任地方官次第修  
理惟恐不肖州縣藉無承修定限竟不修理則  
日漸傾頽轉致需費浩繁應飭該地方官如有  
坍塌處所即隨時修葺仍按季造冊報部其草  
蓋營房準其改爲瓦屋將見在朽爛之沿海等  
處營房先行確估報部動項修蓋亦照墩臺之  
例定限兩月完竣其餘草房埃有倒壞陸續報

部更修○又覆準湖廣各路塘房將地處衝要  
及比連鄰省要隘陸路塘房飭令地方文武官  
弁察勘其見在完固及偏僻塘汛槩不得任意  
報修如實因年久傾圮必應修建者方準動項  
興修工竣後仍交與地方官隨時修葺文武離  
任時造入交盤冊內交代如兵丁作踐不加保  
護即將兵丁責草塘房責營弁賠修○七年覆  
準青州駐防城內衙署兵房牆垣等項每年遇

有奇零修理工程數在百兩以內者動用房租銀修理工竣造冊報銷如有大修銀數在百兩以上者照部原奏將應需工料銀數覈實具題興修○八年覆準山西塘汛營房等項照江南歲修之例每年給與歲修銀責令營弁隨時修葺地方官不時稽察倘有將銀侵蝕任其傾圮等弊一經察出即行題叅仍將坍塌營房並侵蝕銀在於該營弁名下追賠修理其應需歲修

銀在公項銀內動撥○十五年覆準江蘇各屬  
歲修營房等項仍照乾隆三年例歲修銀數隨  
時分別動支毋庸逐案具奏





欽定大清會典則例卷一百二十七